



ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები სავაჭრო ცენტრებისთვის (მოლებისთვის)

სავაჭრო ცენტრის (მოლის) ადმინისტრაციის მიერ შესასრულებელი ძირითადი რეკომენდაციები:

- მომხმარებელთა ნაკადების სამართავად სავაჭრო ცენტრში (მოლში) მოაწყვეთ ცალმხრივი შესასვლელები და გასასვლელები;
- სავაჭრო ცენტრის (მოლის) სივრცეში უზრუნველყავით იმდენი მომხმარებლის დაშვება, რამდენსაც ითვალისწინებს ინდივიდუალური ფართით მოსარგებლეთა სავაჭრო სივრცეების ჯამი (ინდივიდუალური მაღაზიებისათვის დაწესებული გათვლის პრინციპის გათვალისწინებით – 20 მ²/10მ²-ზე – 1 მომხმარებელი), ხოლო მომხმარებელთა რაოდენობაზე დააწესეთ კონტროლი ელექტრონული ან/და მატერიალური სახით;
- სავაჭრო ცენტრების (მოლების) შესასვლელებთან მომხმარებლები/მესამე პირები უზრუნველყავით არანაკლებ 70% სპირტის შემცველი ხელის დეზინფექციისთვის საჭირო ხსნარით;
- უზრუნველყავით მომხმარებელთა/დასაქმებულთა ნაკადის მკაცრი კონტროლი სავაჭრო ცენტრის (მოლის) საერთო სივრცეებში და მომხმარებელთა/დასაქმებულთა/მესამე პირთა შორის უსაფრთხო დისტანციის დაცვა (არანაკლებ 2მ);
- მოახდინეთ სავაჭრო ცენტრის (მოლის) სივრცეში მომხმარებელთა მიერ ნიღბის გამოყენების კონტროლი;
- მომხმარებელთა ნაკადის სამართავად და უსაფრთხო დისტანციის დასაცავად განათავსეთ სავალდებულო პირობითი ნიშნები (იატაკზე შესაბამისი სტიკერების/ნახაზების სახით);
- მოახდინეთ საერთო გამოყენების ფართის ყოველდღიური დალაგება სველი წესით და დეზინფექცია, „ახალი კორონა ვირუსით (SARS-CoV-2) გამოწვეული ინფექციის (COVID-19) გავრცელების პრევენციისა და მართვის უზრუნველყოფის მიზნით გასატარებელ ღონისძიებათა შესახებ“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 25 მარტის №01-123/ო ბრძანების სათანადო დანართის შესაბამისად;
- განახორციელეთ ესკალატორების სახელოურების, ლიფტის ღილაკების, მოაჯირების, კარების სახელოურების, საბანკო ტერმინალების და ხშირად გამოყენებული ზედაპირების სადეზინფექციო ხსნარით დამუშავება ყოველ 2 საათში ერთხელ;
- დაბინძურების შესაბამისად, მაგრამ არანაკლებ 2-საათიანი ინტერვალებით, მოახდინეთ სანიტარული კვანძების დალაგება და დეზინფექცია;
- ინფექციის რისკის შემცირების მიზნით, აუდიო/ვიდეო ტექნიკის გამოყენებით, უზრუნველყავით მომხმარებელთა ინფორმირება კორონავირუსის გავრცელების პროფილაქტიკური ღონისძიებების შესახებ.

მოთხოვნები კონდიციონერებისა და ვენტილაციის სისტემების მიმართ (უნდა განხორციელდეს სავაჭრო ცენტრის (მოლის) ადმინისტრაციის მიერ):

- სავაჭრო ცენტრებში (მოლებში) უზრუნველყავით უსაფრთხო ვენტილაცია გარედან შემოსული ჰაერის მაღალი კონცენტრაციით;
- გადართეთ ვენტილაცია ნომინალურ სიჩქარეზე სავაჭრო ცენტრის (მოლის) გახსნამდე 2 საათით ადრე და შეამცირეთ სიჩქარე მინიმალურამდე სავაჭრო ცენტრის (მოლის) დახურვიდან 2 საათის შემდეგ;
- არ გამორთოთ ვენტილაცია სრულად, მათ შორის, არასამუშაო საათებში ამუშავეთ ყველაზე მინიმალური სიჩქარით;

- სანიტარიულ კვანძებში დატოვით ჩართული ვენტილაცია 24/7 რეჟიმში;
- სველ წერტილებში არ გამოალოთ ფანჯრები, რათა შესაძლებელი იყოს ჰაერის ნაკადის სწორად მიმართვა;
- მომართეთ ვენტილაცია არანაკლებ 40% გარედან შემოსული ჰაერის ცირკულაციის რეჟიმზე;
- უზრუნველყავით ცენტრალური კონდიციონერების სისტემის ფილტრების ყოველთვიური მონიტორინგი და დაბინძურების შესაბამისად (მაგრამ არანაკლებ 4 თვეში ერთხელ) მათი რეცხვა/გასუფთავება/გამოცვლა (საჭიროების მიხედვით).

დამსაქმებლის ვალდებულებები:

- არ დაუშვათ სამუშაო სივრცეში პირი, რომელიც არ არის აღჭურვილი სათანადო ინდივიდუალური დაცვის საშუალებებით (შესაძლებელია როგორც პირდაპირი აკრძალვა, ასევე ობიექტის მიერ სათანადო ინდივიდუალური დაცვის საშუალებებით უზრუნველყოფა):
 - ნიღაბი – სავალდებულოდ მოსახმარი;
 - ხელთათმანები – საჭიროებისამებრ;
 - სახის დამცავი ფარი – საჭიროებისამებრ;
 - სპეციფიური სამუშაოს შემთხვევაში – სპეცტანსაცმელი.
- განათავსეთ ხელის ჰიგიენის, რესპირატორული ჰიგიენის და კორონავირუსული ინფექციის გადაცემის თავიდან აცილების სხვა თვალსაჩინოებები (მათ შორის, ნიღბის მორგების, მოხსნის შესაბამისი წესები);
- ობიექტზე უზრუნველყავით დასაქმებულთა/მომხმარებელთა/მესამე პირთა მიერ გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღება და განკარგვა მოახდინეთ ერთჯერადი ხელთათმანების გამოყენებით. დაწესებულება ვალდებულია უზრუნველყოს ასეთი ნარჩენების დროული გატანა შესაბამისი პირის/სამსახურის მეშვეობით.

დამლაგებლის ინდივიდუალური დაცვის საშუალებები:

დამლაგებელი აღჭურვილი უნდა იყოს შემდეგი ინდივიდუალური დაცვის საშუალებებით:

- ერთჯერადი სამედიცინო ნიღაბი;
- სპეცფორმა და ზემოდან ერთჯერადი ხალათი, სრული სახელოებით;
- სპეციალური/სქელი ხელთათმანები (მრავალჯერადი);
- თვალის დამცავი (სათვალე ან სახის ფარი);
- დახურული სპეცფეხსაცმელი.

სავაჭრო ცენტრის (მოლის) სივრცეში განთავსებული ინდივიდუალური ფართით მოსარგებლეთა (ინდივიდუალური მაღაზიების ადმინისტრაციის) ვალდებულებები:

- უზრუნველყავით მკაცრი კონტროლი მომხმარებელთა ნაკადების მართვაზე და შეიმუშავეთ შესაბამისი სქემა თქვენს სავაჭრო სივრცეში მომხმარებელთა ეტაპობრივი დაშვების თაობაზე, შემდეგი გაანგარიშებით:
 - თუ თქვენ ახორციელებთ სურსათის/ცხოველის საკვების, ცხოველის, ცხოველური და მცენარეული პროდუქტების, საყოფაცხოვრებო ქიმიისა და ჰიგიენის, ვეტერინარული პრეპარატების, პესტიციდებისა და აგროქიმიკატების, სათესლე და სარგავი მასალების რეალიზაციას, ელექტროკომუნიკაციის, ელექტროენერჯის, ბუნებრივი გაზის, წყლის, ბენზინის, დიზელის, თხევადი აირის მიწოდებას, სამედიცინო დანიშნულების საქონლის, ფარმაცევტული პროდუქტის რეალიზაციას, ასევე გაქვთ პრესის ჯიხურები და თქვენი სავაჭრო ფართობი არის 10მ² და ნაკლები, უზრუნველყავით სავაჭრო სივრცეში მხოლოდ 1 მომხმარებლის დაშვება, ხოლო 10მ²-ის ზევით, ყოველ 10მ² სავაჭრო ფართზე 1 მომხმარებლის დაშვება;

- თუ თქვენ გაქვთ ყველა სხვა ტიპის სავაჭრო ობიექტი და თქვენი სავაჭრო ფართობი არის 20მ² და ნაკლები, უზრუნველყავით სავაჭრო სივრცეში მხოლოდ 1 მომხმარებლის დაშვება, ხოლო 20მ²-ის ზევით, ყოველ 20მ² სავაჭრო ფართზე – 1 მომხმარებლის დაშვება;
- სავაჭრო სივრცეში მომხმარებელთა ნაკადის მართვის მიზნით მოახდინეთ:
 - რიგების მართვის კონტროლი, მათ შორის, თქვენი სავაჭრო ობიექტის შესასვლელში;
 - რიგში მდგარ მომხმარებლებს შორის დისტანციის დაცვისა და ინდივიდუალური დაცვის საშუალებების სწორად გამოყენების კონტროლი;
- მომხმარებელთა ქცევაზე ზემოქმედების მიზნით, ფასდაკლებების და აქციების (ასეთის არსებობის შემთხვევაში) გამართვა წახალისდეს ძირითადად დილის საათებში ან/და ონლაინ გაყიდვების სახით;
- სამუშაო მაგიდებზე, იქ სადაც დასაქმებულს უწევს კონტაქტი მომხმარებლებთან, დროებით დაამონტაჟეთ გამჭვირვალე დამცავი ბარიერი, რათა მაქსიმალურად იქნეს აცილებული წვეთოვანი გზით ინფიცირების რისკი ან უკიდურეს შემთხვევაში, თანამშრომლები უზრუნველყავით სახის დამცავი ფარით, ხელთათმანითა და შესაბამისი სამედიცინო ნიღბით;
- „სავაჭრო კუნძულების“ შემთხვევაში თქვენი ობიექტი აღჭურვით ოთხივე მხრიდან გამჭვირვალე დამცავი ბარიერით, ხოლო ისეთი „სავაჭრო კუნძულების“ შემთხვევაში, როდესაც მისი დიზაინი და სპეციფიკა არ იძლევა კოლექტიური დაცვის საშუალებების გამოყენების შესაძლებლობას, დასაქმებულები უზრუნველყავით სახის დამცავი ფარებით, პირბადეებით და ხელთათმანებით. ამასთანავე უზრუნველყავით უსაფრთხო დისტანციის დაცვა (არანაკლებ 2 მ) მომხმარებლებთან და მესამე პირებთან;
- საჭიროების შემთხვევაში, დასაქმებულები უზრუნველყავით, სამუშაოს სპეციფიკიდან გამომდინარე, აუცილებელი ინდივიდუალური დაცვის საშუალებებით (ხელთათმანები, ნიღბი, დამცავი ფარი);
- თქვენს სავაჭრო სივრცეში მოახდინეთ ავეჯის ისეთი განლაგება, რომ დაცული იყოს უსაფრთხო დისტანცია როგორც დასაქმებულებს, ასევე მომხმარებელსა და დასაქმებულს შორის;
- იმ შემთხვევაში, თუ ვერ ხერხდება უსაფრთხო დისტანციის დაცვა დასაქმებულებს შორის (დახლების შემთხვევაში), გამოიყენეთ გამყოფი ტიხრები (ბარიერები);
- უზრუნველყავით თქვენი მაღაზიის სივრცეში (შესასვლელში, დასაქმებულთა სამუშაო ადგილებზე) ხელის სადეზინფექციო 70% ალკოჰოლის შემცველი ხსნარების განთავსება;
- მაღაზიის სივრცეში უსაფრთხო დისტანციის დასაცავად გამოიყენეთ სავალდებულო პირობითი ნიშნები (იატაკზე შესაბამისი სტიკერების/ნახაზების სახით);
- მიაწოდეთ ინფორმაცია დასაქმებულებს/მომხმარებლებს COVID-19 ვირუსთან დაკავშირებული ყველა საკითხისა და პრევენციული ღონისძიებების შესახებ (შესაძლებელია აუდიო/ვიდეო სისტემის მეშვეობით);
- განათავსეთ სრულყოფილი ინფორმაცია სათანადო ადგილას, ჰიგიენური საშუალებებით დაცვის ღონისძიებების შესახებ, მათ შორის, ხელის დაბანის, ნიღბის მორგების, ტარების და მოხსნის წესები;
- უზრუნველყავით ყველა ხშირად შეხებადი ზედაპირის დამუშავება სათანადო სადეზინფექციო ხსნარით 2 საათიანი ინტერვალებით (მათ შორის, კლავიატურის, ქალაქის ტელეფონის, ლილაკების, კარების სახელურების, ჩამრთველ/გამომრთველი ლილაკების);
- უზრუნველყავით თქვენს სამუშაო სივრცეში მუდმივი ვენტილაცია;
- უზრუნველყავით დასაქმებულთა/მომხმარებელთა/მესამე პირთა მიერ გამოყენებული ერთჯერადი ხელსახოცებისა თუ სხვა გამოყენებული ჰიგიენური ნარჩენებისთვის დახურული კონტეინერების განთავსება, რომელშიც ჩაფენილი იქნება ერთჯერადი პლასტიკური პაკეტი. ნარჩენების პარკის ამოღებისა და განკარგვისთვის გამოყავით სათანადო პირი, რომელიც მოახდენს ერთჯერადი ხელთათმანების გამოყენებით ნარჩენების დროულ გატანას;
- ანგარიშსწორებისთვის უპირატესობა მიანიჭეთ უნაღდო ანგარიშსწორების (ბარათით/გადარიცხვით) მეთოდს.

დასაქმებულთა ვალდებულებები:

ხელის ჰიგიენის რეგულარულად და საფუძვლიანად შესრულება, ასევე ნიღბის გამოყენება წარმოადგენს უმეტესი ვირუსისგან თავის დაცვის საუკეთესო საშუალებას.

შესაბამისად, აუცილებელია სამუშაო ადგილზე განახორციელოთ შემდეგი ღონისძიებები:

- დაიცავით ჰიგიენის წესები თქვენს სამუშაო ადგილზე;
- სამუშაო პროცესი განახორციელებთ დამსაქმებლის/შრომის უსაფრთხოების მენეჯერის მიერ განსაზღვრული საგანგებო სიტუაციებში სამოქმედო გეგმის შესაბამისად;
- მისაღმებისას არ ჩამოართვათ ხელი ერთმანეთს და მოერიდეთ სხვებთან კონტაქტს (შეხებას და სხვა);
- მოერიდეთ თავშეყრას, დაიცავით უსაფრთხო დისტანციის (არანაკლებ 2მ) რეკომენდაცია;
- სამუშაოების შესრულებისას გამოიყენეთ სრულად ის ინდივიდუალური დაცვის საშუალებები, რომელსაც გაწვდით დამსაქმებელი;
- სამუშაოს დაწყებისას და დამთავრებისას სადეზინფექციო საშუალებებით დაასუფთავეთ სამუშაო ადგილები და ის ხელსაწყოები, რომელსაც იყენებთ სამუშაო პროცესის მიმდინარეობისას;
- გამოიყენეთ 70%-იანი ალკოჰოლის შემცველი ხელის საწმენდი საშუალებები იმ შემთხვევაში, თუ ვერ ახერხებთ ხელების დაბანას და გამრობას. გახსოვდეთ, რომ ხელების დაბანა საპნითა და წყლით არის უპირატესი;
- დახველების და დაცემინების დროს მიიფარეთ სუფთა ხელსახოცი ან იდაყვში მოხრილი მხარი. გამოყენებული ერთჯერადი ხელსახოცი გადაადგდეთ ურნაში;
- მოერიდეთ ხელებით თვალებზე, ცხვირზე და პირზე შეხებას. მუშაობის პერიოდში უზრუნველყავით თმის შეკვრა/მჭიდროდ დამაგრება, რათა მაქსიმალურად შეიზღუდოს თმების სახის ზედაპირთან შეხება.

დამატებითი ინფორმაციისთვის დაგვიკავშირდით:

☎ 15 05

☎ 116 001